

ओम् । अयं वै प॒ञ्चो योऽयं प॒वते । तमेत॒र्ह्यप्सन्ति ये संवत्स॒राय दीक्षन्ते ते-
 षां गृह्प॒तिः प्रथमो दीक्ष॑तेऽयं वै लोको गृह्प॒तिरस्मिन्वै लोक॑ऽइदं सर्वं प्र-
 ति॒ष्ठितं गृह्प॒ताऽउ वै स॒सत्त्रिणः प्रति॒ष्ठिताः प्रति॒ष्ठायामेवैतत्प्रति॒ष्ठाय दीक्षन्ते
 ॥ १ ॥ अथ ब्रह्म॑णं दीक्षयति । चन्द्र॒मा वै ब्रह्मा सोमो वै चन्द्र॒माः सौम्या ओ-
 षधय ओष॒धीस्तदने॒न लोके॒न सं॒दधाति तस्मादि॒ताव॒न्तरेणान्यो न दीक्षे॑त स
 यद्वैताव॒न्तरेणान्यो दीक्षे॑तौष॒धीस्तदने॒न लोके॒न नाना॒कुर्यादु॒होषुका ह॒ स्युस्त-
 स्मादि॒ताव॒न्तरेणान्यो न दीक्षे॑त ॥ २ ॥ अथो॒द्गाता॒रं दीक्षय॑ति । पर्जन्यो वाऽउ॒द्गा-
 ता पर्जन्या॒दु वै वृ॒ष्टिर्जाय॑ते वृ॒ष्टिं तदोष॑धिभ्यः सं॒दधाति तस्मादि॒ताव॒न्तरेणान्यो
 न दीक्षे॑त स यद्वैताव॒न्तरेणान्यो दीक्षे॑त वृ॒ष्टिं तदोष॑धिभिर्नाना॒कुर्याद्वर्षु॑को ह॒
 स्यात्तस्मादि॒ताव॒न्तरेणान्यो न दीक्षे॑त ॥ ३ ॥ अथ हो॒तारं दीक्षय॑ति । अग्निर्वै हो-
 ताधि॒देवतं वा॒गध्या॒त्ममन्त्रं वृ॒ष्टिरग्निं च तद्वाचं चान्ने॒न सं॒दधाति तस्मादि॒ताव॒न्तरे-
 णान्यो न दीक्षे॑त स यद्वैताव॒न्तरेणान्यो दीक्षे॑ताग्निं च तद्वाचं चान्ने॒न नाना॒कु-
 र्याद॒शना॒युका ह॒ स्युस्तस्मादि॒ताव॒न्तरेणान्यो न दीक्षे॑तैतांश्चतुरोऽध्वर्युर्दीक्षयति ॥ ४ ॥
 अथाध्वर्युं प्रतिप्रस्था॒ता दीक्षय॑ति । मनो वाऽअध्वर्युर्वा॒ग्योता मनश्च तद्वाचं च सं-
 दधाति तस्मादि॒ताव॒न्तरेणान्यो न दीक्षे॑त स यद्वैताव॒न्तरेणान्यो दीक्षे॑त मनश्च त-
 द्वाचं च नाना॒कुर्यात्प्रमा॒युका ह॒ स्युस्तस्मादि॒ताव॒न्तरेणान्यो न दीक्षे॑त ॥ ५ ॥ अथ
 ब्रह्म॑णो ब्राह्मणा॒ह॒सिनं दीक्षय॑ति । त॒ह हि सोऽन्व॒थोद्गा॒त्रे प्र॒स्तोता॒रं दीक्षय॑ति
 त॒ह हि सोऽन्व॒थ हो॒त्रे मैत्रा॒वरुणं दीक्षय॑ति त॒ह हि सोऽन्वे॒तांश्चतुरः प्रतिप्रस्था-